

**SAMPLE QUESTION PAPER  
SECOND TERMINAL EXAMINATION 2018**

**MIZO SUBJECT (098)  
CLASS X**

Time allowed : 3 Hours

Marks : 80

**SECTION A ( Reading Comprehension)**

1. A hnuiai thu hi ngun takin chhiar la, zawnate hi chhang ang che.

Richard-a chuan Pathian Fapa neih chhun Lal Isua mihringte chhandam nan khawvelah a lo kal tih hi a awih thei tlat lo mai a. Pathian awm chu a ring ang lawi a. A buaina lai chu mihringte chhandam nana Lal Isua mihringa a rawn chang ve tih lai vel chu a ni. Lo neia ei zawng a ni a, an leilet bul maiah an khawsa a. A nupui ve thung chu ringtu nghet tak a ni a, a fate pawh Pathian thu a hrilh fo thin a. A fate Pathian thu hmanga enkawl chungchangah a pasal chuan harsatna a siam sak fo va,"Thu lawilo mai mai a ni i hrilh ni. Engvangin nge Pathian chu a intih hniam ang a, mihring anga a rawn awm duh ang? Thawnthu athlak mai mai a ni." ti tein a lo deuhsawh vel thin.

Nikhat chu vur a tla seng seng a, a nupui fanaute chu inkhawm turin Biak Inah an kal a. Amahin in alo nghak a ni. Vur chu a tla tam tial tial a, khua pawh a hmuuh fiah theih ta mang loh a. Chu tih lai chuan thawm ri deuh dup a hria a, eng thil emaw hian tukverh a rawn su dawt hi a lo ni a. Ri dang a hre zui leh ta bawk a. Tukverhah a dak chhuak a, engmah a hmu bawk si lo. Tichuan, pawnah a va chhuak a, an inbul velah chuan vatawk rual hi ava hmu ta mai a. Hmun lum lam pa a an thlawh laiin vur tla nasa lutuk avangin khua an hmu tha thei lova, thlawh ngaihna hre lovin leiah an lo awm khawm a lo ni a. A then phei chuan a in bangte an su a ni tih a hre ta a ni.

Vatawk rual chu an ril a tam hmel hlawm khawp mai a, thlawk sawn thei tawh lovin an thla an zap a, an kal kual chhen ringawt mai a ni. Chu pa chuan tanpui dan kawng a dap ta a, an chhek in chu vatawk rualte tawm lum nan tha dawn riauvin a hria a. Tichuan, chhek in kawngka chu a han hawng a. Kawngka a hawn rual rualin vatawk rual chu an rawn luh nghal mai a beisei a ni. Mahse, pakhat mah luh nachang hria an awm lo. hnawh luh tumin a va pan hnai a, anni lahin an lo hluva an kal hla tual tual mai bawk si a. A buai rilru hle mai. Tih dan dang a ngaihtuah chhuak leh ta a. In chhungah a lut a, a chhangthawp dah that a phawrhchhuak a, te reuh te tein a chan sawm a. tichuan, chhek in kawngkhar lam panin a chhangthawp nawi chu a theh thla zel a. Vatawk riltamin an rawn chhar phei zel ang a, a tawpah chhek in chhungah an luh vek a beisei a ni.

Mahse, a sawt chuang lo. Thinrim teuh chungin khalh khawm a'n tum leh a, an ti tual tual thung si. A tawpah chuan chung ram vatawk rual chuan mihring an hlau va, ani'n a duhsak vanga a thilihsak chu an hrethiam pha ngai lovang tih a ngaihtuahnaah a lo lut a, chung vatawk rual tanpui ngai em em mai, a tanpuina hrethiam thei bawk si lote chu, a tanpui theih nan amah zawk chu vatawka chan a duh ta hle mai a ni. Anmahni angin awm ta se chuan, an hma a hruai ang a, hmun him leh lum nuam tak chhungah an zavaiin an awm thei mai dawn a ni tiin a ngaihtuah a. Chu ngaihtuahna chuan ngaihtuahna dang a neih tir leh ta a,"Mihringte chhandam turin Pathian Fapa kha mihringga a chan a ngai a ni," tih chu. Ni danga a hriat thiam theih loh chu a hrethiam ta a. Thingthiin Pathian hnenah lawmthu a sawita a.

- a) A nupui rin ang Richard-an a rin ve theih miah loh kha eng nge? (2)  
 b) Richard-a nupui khan eng angin nge a fate a kaihruai? (2)  
 c) An fate nu berin a kaihruaina kawngah engangin nge pa ber in harsatna a siam thin? (2)  
 d) A chhungte inkhwam hlana thil thleng kha tawi kim deuh vin han sawi teh. (2)  
 e) Engvangin nge vatawk rual khan eitur pek an ei duh lohva, chhek inah an luh duh loh? (2)  
 f) Vatawk awm dan atanga Richard-a inhmuh chhuah dan kha han sawi teh. (2)  
 g) A hnuiaia thu hmang hian sentence han siam teh. 1x3=3  
 i) Thawnthu athlak  
 ii) Tual tual  
 iii) chhek in

### **SECTION B (Grammar)**

2. A hnuiaia tawng upa hmang hian thu han phuah teh. (1x3=3)
- a) Beng thara ngai  
 b) hnang vara hlin ngam  
 c) Khuangcher bo  
 d) Thifahnukchat  
 e) Thimhlim bak chhe len
3. Heng thu te hi a hmaa thu nen ziak zawma hmanna leh ziak zawm lohva hmanna tilang turin sentence han siam teh. (1x3=3)
- a) Khat  
 b) Vel  
 c) Dang
4. A hnuiaia thute hi a diklo lai han ziak tha teh. (1x3=3)
- a) Nimina motor chesual chu a chhia nasa em?  
 b) Hmun in phiat zighthah tha takin kawngkhar in khar dawn nia.  
 c) Thanga chu a sang hle mai a, a sang zawng i hria em?
5. Heng thute hi a hmanna tur dik taka hmangin sentence han siam teh. (2x2=4)
- a) Ngaih leh ngeih  
 b) Vulh leh khawi

## **SECTION –C (Composition)**

6. Air pollution chungchanga Rinmawia leh Hmingtei te inbiakna, thumal 300 aia tlem lovin han ziak teh. (6)

7. Hnam dang tawng thenkhat, Mizo tawng ang maia kan hman tak a awm a, hei hi eng vang nge sawi la, hnam dang tawng Mizo tawng ang maia kan hman pali hmangin sentence han siam teh. (1x5=5)

8. I duh ber thupui hmangin essay thumal 500 velin han ziak teh. (10)

- a) Thian
- b) Zirlaite intodelhna
- c) Kut hnathawh

9. A hnuai a thute hi tawi kim deuhvin han ziak chhawng teh. (2x2=4)

a). Dr. Hudson Taylor-a chu Missionary ropui berte zinga mi a ni a, China rama Chanchin Tha puangdarhtu ani. China rama a kal hma pawhin an khuaah a theih tawkin rawng a bawl ve thin. Damdawi lam thiam a ni a, in hrang hrangah kal kualin damlote a enkawl thin a ni.

Chung a enkawl zingah chuan damlo na tak, Pathian ngaihsak reng reng lo pa pakhat hi a tel ve a. Dr. Taylor chuan a hliamte a tuamsak a, a silfai a, a damdawi turte a pe thin. Chutiang a tih zawh chuan Pathian thu a hrilh ta thin a ni. Chu damlo chuan Pathian thu chu a ngaithla duh reng reng lo mai a, a beng hupin bang lam a hawisan daih thin a. Chuti chung chuan Dr. Taylor-a chuan a thu hrilh chu chawlhsan a duh chuang lo.

Chutiang chuan ni tam tak an inenkawl ta a. Pathian thu ngaithlak chu a duh loh ngaiin a duh lo reng mai a, Dr. Taylor-a pawh a beidawng ve tan ta. Nikhat chu a tih thin pangngai a tihzawh hnu chuan a insiam sawk sawk a, Pathian thu hrilh lova kalsan mai a tum a. Chu veleh damlo chuan “*Engmah min hrilh i tum na nge?*,” a rawn ti ta mai a. A thusawi thinte a sawt lo emaw a lo tih thin kha a lo dik lo. A lo ngaithla reng tih a hre ta. Lawm avanga mittui tla teuh chuangin Lal Isua chanchin a hrilh ta mawlh mawlh a.

b). Pa pakhat chu a hringnuna a thiltawn hrang hrangte chuan a tihrehawm thin hle mai. A chunga thilthenge chu midangte aia chhe zawk leh midangte aia vanduai zawk hluah hluahah a inngai a, a kraws put chu a tan rit lutukah a ngai a ni.

Ni khat chu Pathian hnenah a vuivaina a thlen ta a; a kraws put chu a danga thlaksak turin Pathian a ngen a ni. Pathian chuan, “*A tha e, tikhan i kraws put kha dah la, angel ten an lo dah tha mai ang. Tichuan, saw pindanah sown kraws tam tak a awm a, i duh ber i thlang dawn nia*’.” A ti ta a. Chu pa chuan phur takin pindan chu a pan a. Pindan chhungah chuan kraws tamtak, inlenhleih tak tak a lo awm teuh

mai a. An len leh an rih hlawm em avang chuan thlan tur ber pawh a hre mai lovin a tei kual a tei kual ta mai a. Pakhat tal thlan a ngaih tlat avangin, te ber nia a hriat bang kil ami chu a put atan a thlang ta a. Pathian chuan “”*Kha kraws kha, I put reng thin kha a ni a, nichin lawka an rawn dahluh a nih kha,*” a ti ta mai a. Chupa chuan midangte put thin aia a lo tet zawkzia a hriat meuh chuan a kraws put lai chu phur taka put zel a tum ta a.

### **SECTION – D (Poetry)**

10. ‘Chunnemi’ tih hla phuahtuin nu tha leh tha lo a sawi dan kha han khaikhin teh. (2)
11. “Kawltu chawi nun iang chu zirlaite” tih hi han sawi fiah teh. (2)
12. ‘Ka tan ni leh thla’ tih hla phuahtuin Lal Isua lo kal leh hunu thil awm dan tur eng angin nge a sawi ? (1)
13. Vankhaman, ‘Zaman hmawng thing ang min phuar vel e’ a tih kha han sawi fiah teh. (1)
14. Heng hla thute hi Mizo tawng tluang pangngaiin han dah teh. (1x3=3)
- a). Mahse Pa tilunghnurtu thinlai tina reng a’n,  
Kan piang keini hringfa leng hi.
  - b). Chhung tin tan pawi ber mai chu chun lunglian  
Keipui zatial chhai lai iang a lo hrang e.
  - c). Lentupui zing karah hianin,  
“Halleluia” a thangkhawk ta.
15. Heng hla thute hi hrilhfiah rawh. (1x3=3)
- a) cherbel
  - b) reng hum luah
  - c) chhing zo

### **SECTION – E (Prose)**

16. Mahni nih ang ni pha lova inngaih a pawi dan chu han sawi teh. (2)
17. Pasalthate kan ngaihdan chu engvanga thlakthleng ngai nge ni a, engtin nge kan thlakthleng ang? (2)
18. Mizo hlui leh Mizo thara sakuana kalpui dan han khaikhin teh. (2)

19. Heng hi han sawi fiah teh. (1x4=4)
- a) "Awm awl hi setana thlawhhma a ni."
  - b) "Fate hi mi zawng zawng hmuha nu leh pate chak lohna tar langtu an ni."
  - c) Mihring san leh san loh tehna.
  - d) Hun tha nei renga kan inchhal theih dan tur.
20. Heng thute hi hrilhfiah rawh. (1x3=3)
- a) thinlung sanctuary
  - b) chawrche
  - c) rampui tuk dar.